



Bentiaraq Ottosen

UPA 2026/115

Atassut

6. Maj 2026

**Kalaallit Nunaannut aammalu Kalaallit Nunaanniit timmisartuussinerni imermik Kalaallit Nunaanni imeqarneqartumik sassaalliteqartoqartalernissaa sulissutigineqassasoq, ilanngullugu attuumassuteqartunik suleqateqarnikkut soorlu timmisartuutileqatigiiffiit aammalu Visit Greenland Naalakkersuisut peqquneqarnissaannik Inatsisartut aalajangiiffisassaattut siunnersuut.**

(Inatsisartuni ilaasortaq Lars Poulsen, Siumut)

Atassutip siunnersuut soqutigilluinnarpaa, kisianni kiffaangisuseq suliffeqarfinni piusariaqartoq isumaqarpoq. Nunatsinni imeq tassaavoq minguitsoq, imminut pilersorsinnaanitsinnik aallarniullugu ilisarnaataalluarsinnaasoq. Pitsaasumik atorluarneqarnissaa pingaaruteqarpoq, apeqqutaalluinnarporli timmisartornermi sassaallitutigineqarnissaa anguniarlugu piviusungortinneqarsinnaanera. Atassutip tunngaviusumik isiginninnera aallavigalugu oqariartussagutta, pingaaruteqarpoq immikkoortut tallimaasut immikkoortinnissaat ersarissarneqarnissaat.

- **Kiffaangisuseq**
- **Akisussaassuseq**
- **Ammasuuneq suleqatigiinerlu**
- **Suliffeqarfiit Namminersortut**
- **Nittarsaasinerlu**

Atassut isumaqarpoq suliffeqarfiit namminersortut ineriartornissamut periarfissaqartariaqartut, taamaattumik suliniutit taamatut ittut pisortanit peqqussutaanartut ingerlanneqannginnissaat pingaaruteqarpoq, kisianni suleqatigiineq aamma periarfissanik pilersitsineq aqutigalugu ingerlanneqartariaqarput.

Nunatsinni imeq tassaavoq tunisassiarineqarsinnaasoq annertooq, pinngortitami pisuussutitsinnik pingaarutilittut inissimasoq. Taamaattumik tamanna akisussaassuseqartumik atorluarneqarnissaa pingaaruteqarpoq. Assersuutitut timmisartuusinermi avammut nittarsaassinertut nunatsinneersoq imeq atorneqalerpat paasissutissat takornarissanut nunatsinnullu isertunut inuiaqatigiinnut paasissutissiissutigineqassapput, tamanna avammut niuernitsinnut inuussutissarsiornikkut iluaqutaassaaq.

Atassut isumaqarpoq Kalaallit Nunaat avammut ammasuunissaa pingaaruteqartoq, avammut tunisassiornitsinni nunarsuarmioqatigut qanoq Kalaallit Nunaata imia minguitsiginersoq



paasitinneqarnissaanut periarfissanik aamma periarfissat eqqarsaatigalugit piorsarsimassutitsinnik pinngortitatsinnillu paarinnilluarluta ataqqinnittuunitsinnik takutitsisumik.

Atassutip pingaartippaa Kalaallit Nunaata nammineq nukittorsarnissaa pillugu ilisarnaatigisinnaasagut tamaasa atorluarneqarnissat – avammut nittarsaasinitsinni iluaqutigilluarsinnaasatsinnik ineriartortitsinissarput pingaaruteqarmat. Tamanna eqqarsartariaatsitsinnut aningaasarsiornikkut periarfissamik pilersitsinissaq.

Taama oqaaseqarluta siunnersuut taparserparput, inuussutissarsionnermut aatsitassanullu ataatsimiititaliamut innersuullugu inassutigaarput.